

Puhru arĩnumi Goãmu: “Deco yujurota gamenereque,” arĩnumi. Eropa ta wayoro. Iriñe wuariya waĩcua. Puhru Goãmu iri õari áricũ iañumi. Eropiro “Taa, yucu dehyoaque; yucupa iri duca mera dehyoaque,” arĩnumi Goãmu.

Puhru iĩnumi Goãmu abe ñami majagu, abe umu majagu. Puhru arĩnumi daja Goãmu: “Diariguere dohpa árirã dehyoaque. Mirimagu porã sã dehyoaque. Bajarã masaporeque. I umure seyaque,” arĩnumi Goãmu erãre.

Puhru daja Goãmu “Dohpa árirã waimurã ejorã, nugu majarã, yebague sigũ curirã sã dehyoaque,” arĩnumi Goãmu.

Iri ipeho, arĩnumi Goãmu: “Dohpaguere masure iirã; mari iro dopa árigure iirã,” arĩnumi Goãmu. “Ĩgu áripehrerã wai, waimurã, yebague sigũ curirã, mirimagu porã tauro erã wecague ñhi árigucumi,” arĩnumi Goãmu.

Eropa ta iĩnumi ĩgu. ĩgu arĩdiro dopa ta iĩnumi. ĩgu iro dopa árigu ta umu, nomeo iĩnumi.

Arĩnumi erãre: “Bajarã masaporeque,” arĩnumi.

Eropi ĩgu masure yuju poe Edén waĩcuri poegue apiñumi Goãmu ĩgure. Iri poe õari poe áriyoro. Eropi arĩnumi ĩgure Goãmu:

—Áripehreri yucu ducare baguca muhu. Ibumejeta yujugu i poe deco arĩdigu ducare babita. Yujunu muhu barinu bagu síria waguca, arĩnumi Goãmu ĩgure.

Yujugu erãre ĩhaturiga arĩnumi. ĩgu watĩ ta arĩnumi. ĩgu arĩ mėsãñumi nomeore:

—Ĩgu yucugu ducare baque. Eropirã mua Goãmu dopa ta warãca. Őarire masi, ñeri sãre masirãca mua, arĩnumi watĩ igore.

Ĩgo baha umu sã bañumi. Iri mera ñerire iĩnuma negohrare.

Eropiituhaja erã basi ãañuma erã. “Suhri marirã ãhraa mari,” arĩ ãañuma erã. Eropirã Goãmu eracũ peerã duhriñuma erã Goãmure. Goãmu serẽpiñumi umure:

—¿Duhpigu duhriari muhu yure?

—Suhri marinijagu duhriabu yuhu mure, arĩ yuhriñumi ãgu Goãmure.

—Muhu yure tarinugãbu. ¿Duhpigu yuhu, “Yucugu yujugu maja ducare babita,” arĩrare bahari muhu?

—Muhu yure wapimoadigo ohoamo; eropigu bahabu, arĩ yuhriñumi umu.

Nomeore arĩñumi Goãmu:

—Muhu eropiira dipuwaja ñero pũriro pepiniyago porãcugoca, arĩñumi Goãmu igo nomeore.

Umupure arĩñumi:

—Mu ya dipuwaja ñeri yeba áriroca. Muhu ñero tari mohmeri mera muhu baburire bocaguca, arĩñumi Goãmu ãgu umure.

Õpa erã iira dipuwaja erã õari pohegue áriðirore cohã wiuñumi Goãmu erãre. I yebague apiñumi mohmedoregu ne ãgure siririnu ejacũgue.

Eropiira puhru Goãmu perã anyua apiñumi abe muririropu. Tuhaja yuju miji matamiji áriyoro. Iri miji peame dopa gosesiriyoro. Eropiro ne iri pohe Edén waĩcari pohere ñaja masiya mariyoro.

I UMU NE ÁRINUGARARE
WEREA
HISTORIAS DE LA SAGRADA
BIBLIA

en desano

Elaborado por:
Manuel Botero D.
Lino Alemán M.

Los dibujos por cortesía de
David C. Cook Foundation.

Record Number : 3
Colombia
Desano
1987
Sel.(Gn 1-11)
SIL
SIL
Meta, Colombia
Colombia/Brazil
B203280